





Smithsonian Libraries

Adopt-a-Book Program

Adopted by

Vanessa Haight Smith &
Daniel Meade Smith
in memory of Alva Brita Ingrid Smith





D. D.

OXALIS,

QUAM

DISSERTATIONE BOTANICA,

CONSENSU EXPERIENT. FAC. MED. UPSAL.

PUBLICE VENTILANDAM EXHIBENT

PRAESES

CAROL. P. THUNBERG,

MED. Doct., BOTAN. DEMONSTR., ACAD. REG.

SCIENT. HOLMIENS. CÆSAR. NAT. CUR.

SOCIET. SCIENT. UPSAL. LUNDIN.

AMST. ET NIDROS. MEMBRUM,

ET

RESPONDENS

HERMAN RUDOLPH HAST,

OSTROBOTHNIENSIS.

IN AUDIT. GUSTAV. MAJ. D. VII JUL. ANNO MDCCCLXXXI.

H. A. M. S.

1781

UPSALIÆ,

APUD JOH. EDMAN, DIRECT. ET REG. ACAD. TYPOGR.



L. B.

Specimen Academicum editurus, tales in primis elige-
re volui dissertationis materiam, quæ artis amatori-
bus utilis mihi gratissima foret, præsertim cum ab
ipsa pueritia, jucundissimi Floræ Campi plurimum mi-
hi attulerint delectamenti. Hujus cupiditatis meæ ex-
plendæ, ampla mihi data est occasio ab Experimentis-
fimo Domino Præside; qui ex Africa & India Orien-
tali insignes spendidissimosque Floræ Thesauros in Pa-
triam nuperrime secum duxit, quorum e numero, ut e-
go quidem arbitror, Oxalidis Genus non ultimum tenet
locum. Ingratum ego non fore speravi, si Oxalidum
pleniorem descriptionem exhiberem, tam specierum ante
cognitarum quam undecim novarum, in Systematibus
hodiernis non adhuc introductarum. Robur enim scien-
tiæ botanicæ consistit in specierum solida definitione,
certitudini generum innixa. Nullæ species certo distin-
gvi possunt, nisi antea constituta fuerint genera, his ve-
ro determinatis, facillime. Species hæ novæ omnes in-
defesso Experientissimi Domini Præsidis, studio & la-
bore debentur, quas benigniori tuæ L. B. censuræ ho-
die subjicio æquum tuum & favens expetens mihi ju-
dicium.

Gessius
Philosophie Candidat
Succeliger magister

DIS-

583.223
T53 QK 495
495 09875X
BOT

DISSERTATIO BOTANICA

DE
OXALIDE.

§. I.

OXALIS est planta *decandra, pentagyna*, cognoscenda *perianthio* quinque-partito, *corolla* subcampanulata, *germine* supero, *capsula* oblonga quinque loculari; relata ad

CÆSALPINI Herbas pluribus folliculis.

MORISONI Siliquosas Papilionaceas bivalves.

RAJI vasculiferas monopetalas.

KNAUTII unicapsulares pentapetalas.

HERMANNI Quinquevasculares polyspermas.

BOERHAVII Siliquosas quinque capsulares.

RIVINI & LUDVIGH Regulares monopetalas.

RUPPII Regulares pentapetalas.

TOURNEFORTII campaniformes.

MAGNOLII Monopetalos calyce interno & externo.

LINNÆI Decandriam Pentagyniam.

§. II.

NOMEN GENERICUM.

Trifolium veterum plures, illud autem *acetosum* DODONÆUS, BAUHINUS, BARRELLIERUS, & BOCCO, *corniculatum* DALECHAMPIUS, *luteum-que* MORISONUS appellarunt.

Oxalidis affinis plantam BREYNIUS vocavit.

Oxys plurimis veteribus dicta fuit, ut PLUKENETIO, RAJO, CLUSIO, PLUMIERIO, COMMELINO, SEBÆ, TOURNEFORTIO.

Oxalis recentiorum botanicorum nomen est, quod retinuerunt v. ROYEN, GRONOVIVS, BURMANNUS, FEVILLÆUS, MILLER, à LINNE, EHRET, NOS.

§. III.

Character Genericus.

CALYX. *Perianthium* monophyllum profunde quinque partitum, breve, persistens; *laciniæ* erectæ.

COROLLA. Monopetala, tubulosa, subcampanulata, calyce longior. *Tubus* sensim ampliatus, basi quinque dentatus, dentibus acutis. *Limbus* quinque partitus, patens; *laciniæ* æquales, obovatæ, ante explicationem & sub somno contortæ.

STAM. *Filamenta* decem, lateribus germinis inferata, capillaria, saepius libera, rarius connata in cylindrum, erecta, inæqualia: *quinq* breviora, simplicia, *quinq* longiora, externe dente erecto armata.

Antheræ incumbentes, didymæ.

PISTILL. *Germen* superum, quinquangularis, glabrum. *Styli* quinque, filiformes.

Stigmata obtusa, villosa.

PERIC. *Capsula* oblonga, quinquangularis, glabra, quinque valvis, quinquelocularis. *Semina* plura, globosa, glabra.

FILA-

DSI

FILAMENTA s^epe infima basi connata quidem in cylindrum, in pluribus speciebus inveniuntur, sicuti in plantis monadelphis; h^ac vero non constans est nota vel toti generi communis, sed quibusdam tantum speciebus in Capite bonae spei crescentibus propria. Neque raro in plantis Capensis inveniuntur vel filamenta connata, quæ libera esse debent, ut in MORÆIS, IXIIS, IRIDIBUS, vel filamenta connata, dum antheræ coalitæ esse deberent, ut in LOBELIIS; vel filamenta libera, dum naturaliter connata forent, ut in HERMANNIIS, MONSONIIS, aliis.

§. IV.

SPECIES *Oxalidis* sunt, quæ sequuntur:

i. Foliis SIMPLICIBUS.

monophylla i. foliis ovatis indivisis.

2. Foliis TERNATIS.

* ACAULES.

a. *Scapis unifloris.*

minuta. 2. scapis unifloris, foliis ternatis: foliolis oblongis glabris.

punctata. 3. scapis unifloris, foliis ternatis: foliolis obcordatis punctatis.

natans. 4. scapis unifloris, foliis ternatis: foliolis obcordatis glaucis.

acetosella. 5. scapis unifloris, foliis ternatis: foliolis obcordatis pilosis.

- lanata.* 6. scapis unifloris, foliis ternatis: foliolis obcordatis hirsutis.
- compressa.* 7. scapis unifloris, foliis ternatis: foliolis obcordatis ciliatis, petiolis compressis.
- purpurea.* 8. scapis unifloris, foliis ternatis: foliolis subrotundis ciliatis.
- longiflora.* 9. scapis unifloris, foliis ternatis: foliolis semibifidis.

b. *Scapis umbelliferis.*

- violacea.* 10. scapis umbelliferis, foliis ternatis glabris, calycibus callosis.
- caprina.* 11. scapis umbelliferis, foliis ternatis glabris, floribus erectis.
- cernua.* 12. scapis umbelliferis, foliis ternatis glabris, floribus plerisque clausis cernuis.
- sericea.* 13. scapis umbelliferis, foliis ternatis tomentosis.

** CAULESCENTES.

a. *pedunculis unifloris.*

- repens.* 14. caule repente, pedunculis unifloris, foliis ternatis: foliolis obcordatis hirtis.
- incarnata.* 15. caule bulbifero, pedunculis unifloris, foliis ternatis: foliolis obcordatis glabris.
- bifida.* 16. caule erecto glabro, pedunculis unifloris, foliis ternatis: foliolis semi-bifidis.
- glabra.* 17. caule erecto glabro, pedunculis u- ni-

nifloris, foliis ternatis: foliolis oblongis emarginatis glabris.

birta. 18. caule erecto hirto, pedunculis unifloris, foliis ternatis subsessilibus: foliolis oblongis emarginatis glabris.

vericolor. 19. caule erecto hirto, pedunculis unifloris, foliis ternatis: foliolis linearibus callosis.

b. *pedunculis umbelliferis.*

cornicula- 20. caule decumbente herbaceo, pedunculis umbelliferis.

stricta. 21. caule erecto herbaceo, pedunculis umbelliferis.

frutescens. 22. caule erecto fruticoso, pedunculis umbelliferis.

c. *pedunculis racemiferis.*

barrelieri. 23. caule erecto, pedunculis racemiferis.
3:0 Foliis DIGITATIS.

flava. 24. foliis multifidis glabris.

tomentosa. 25. foliis multifidis hirtis.

4:0 Foliis PINNATIS.

sensitiva. 26. foliis pinnatis.

§. V.

Descriptio Specierum.

Radix plerisque bulbosa est, bulbo vel lana involuto, vel cortice duriori tecto.

Folia omnibus petiolata, uni speciei simplicia, duabus multifida, uni pinnata, reliquis, quotquot sunt, ternata.

Flo-

Flores vel solitarii, petiolati vel umbellati, nunquam sessiles.

1. O. MONOPHYLLA. *Radix* bulbosa, parum profunda insidens. *Bulbus* globosus, lanugine densa molli ferruginea obductus: *bulbilli* corniculati, albi, plures.

Folia radicalia, simplicia, ovata, emarginata, margine carinaque dorsali ciliata.

Petioli hirti, scapis triplo breviores.

Scapi circiter tres vel quatuor, uniflori, hirti, digitales vel paullo longiores.

Perianthium hirtum; *laciniae* lanceolatae, acutae.

Corolla calyce quadruplo longior. *Tubus* flavescens. *Limbus* dilute purpurascens; *laciniae* obtusae.

Filamenta capillaria, alba, exteriora quinque brevissima, interiora quinque calyce paullo longiora.

Antheræ subrotundæ, sulcatæ, flavæ.

Styli staminibus interioribus breviores, inter Filamenta patentes, albi.

2. O. MINUTA. *Folia* radicalia, ternata. *Foliola* integra, glabra.

PETIOLI filiformes, glabri, scapo breviores.

Scapus filiformis, erectus glaber, uniflorus, ungvicularis.

COROLLA calyce multoties longior. *Tubus* flavescens. *Limbus* albus.

Differ a *purpurea* foliis neque *margine* neque

que apice ciliatis; a Punctata foliolis ovatis, integris, nec obcordatis.

33. O. PUNCTATA. *Radix* bulbosa, parum profunda.

Bulbus durus, acute triangularis, lateribus duobus striis elevatis reticulatis rugosus.

Folia radicalia, subcarnosa, obcordata, integrata, glabra, punctatissima callis elevatis; pagina superior viridis, inferior late purpurascens punctis aureo-micantibus.

Petioli scapo breviores.

Scapi plures, nudi, uniflori, pollicares.

Perianthium brevissimum.

Corolla calyce quadruplo longior. *Tubus* flavus. *Limbi* laciniae obtusae, erecto-patulæ, vesperi uti ante florescentiam convolutæ, calbicantes.

4. O. NATANS. *Radix* filiformis, simplex, longitudo indeterminata.

Folia in superficie aquæ umbellata, ternata: *foliola* curvata, emarginata, glabra, supra viridia, subtus glauca, patula, natantia.

Petioli foliis breviores.

Pedunculi unicus, duo vel tres, uniflori, vix pollicares.

Corolla alba.

5. O. ACETOCELLA. *Radix* dentata.

Folia radicalia, ternata: *foliola* obcordata, tenuissime pilosa pilis adpressis, supra latius viridia, subtus pallidiora, reflexa.

Petioli teretes, striati, pilosi, erecti, debiles, bipolligares.

Scapus unicus vel duo, simplex, striatus, pilosus, erectus, debilis, uniflorus, longitudine petiolorum.

Bracteæ in medio scapi, oppositæ, subulatae, breves.

Corolla alba.

6. O. LANATA. *Radix* bulbosa, profunde insidens.

Bulbus ovatus, angulatus, profunde rugosus, durus, glaber.

Folia radicalia, umbellata, ternata: *Foliola* obcordata, pubescentia; interdum in radice elevata, sub umbella foliosa, duo alia folia opposita.

Petioli pubescentes, ungaviculares.

Scapi simplices, teretes, villosi, digitales, interdum ungaviculares.

Bracteæ paullo infra florem duæ, oppositæ, lanceolatae, concavæ, acutæ, pubescentes, erectæ, lineam longæ.

Perianthium ad basin fere quinque-partitum, erectum, intus glabrum, extus villosum, lineam longum. *Laciniæ* ovatae, obtuse, virides, apicibus rufescentes.

Corolla calyce quadruplo longior, subcampanulata, basi quinque-dentata. *Tubus* inflatus, sensim ampliatus, flavescens. *Limbi* laciniæ obovatae, obtuse, patulæ.

Filamenta erecta, filiformia, basi coalita in cy-

cylindrum, alba; quinque calyce breviora;
quinque longitudine calycis; latere externo
dentata.

Antheræ ovatæ, flavæ.

Styli staminibus longiores, erexit, filiformes,
flavi, villosi.

Stigmata obtusa, villosa.

Capsula cylindrica, obsolete quinque-angu-
laris, decem-striata, obtusa.

Semina orbiculata, plurima.

Varietates: α) *Limbo purpureo*, foliolis mi-
noribus. In hac folia pubescentia, corollæ
tubus flavus, & limbus purpureus, vel pur-
pureo-variegatus.

β) *Limbo albo*, foliolis majoribus magisque
tomentosis. *Foliola* huic paulo majora, villo-
so-tomentosa, uti & petioli & calyx. *Co-
rolla* tota alba.

Diffrert ab *O. tomentosa*, cui foliis similis,
scapo unifloro. a *Punctata*, quod multoties
major & pubescens.

7. O. COMPRESSA. *Folia* radicalia, diffusa, ternata:
Foliola, ob-cordata, ciliata; supra glabra, vi-
ridia; subtus hirsuta, albida.

Petioli lineares, compresso-alati, ciliati, in-
æquales, pollicares vel paullo ultra.

Scapi aliquot teretes, hirsuti, erexit, uniflo-
ri, bipollicares.

Perianthium pilosum, corolla triplo brevius.

Corolla lutea.

Similis *O. Cernuæ*, a qua differt :

- α) pedunculis unifloris.
- β) minori magnitudine.
- γ) petiolis compressis.

8. *O. PURPUREA*. *Radix* bulbosa, parum profunda. *Bulbus* ovatus, durus, lævis, magnitudine a vellanæ.

Folia radicalia, plurima, diffusa, ternata : *Foliola* subcuneata, sessilia, vix emarginata, integra, inæqualia, intermedio majori, glabriuscula, margine ciliata, pagina utraque punctis pelticidis.

Petoli inæquales, teretes, pubescentes, prostrati, ungiviculares, pollicares & ultra.

Scapi ex umbella foliorum erexit, teretes, glabriusculi, uniflori, petiolis æquales vel breviores.

Bractæ duæ, oppositæ in medio scapi.

Perianthium erectum, glabrum, lineam longum. *Laciniæ* ovatæ, acutiusculæ, virides, glabræ.

Corolla calyce sexies longior. *Tubus* inflatus, ampliatus, calyce triplo longior, subquinq' uidentatus, flavescens. *Limbus* patens; *Laciniæ* rotundatæ.

Filamenta erecta, filiformia, basi connata, alba.

Antheræ ovatæ, flavæ.

Styli calycem æquantes, erecto-patuli, albi.

Stigmata plumosa, obtusa, flava.

Capsula subcylindrica.

Semina plurima, ovata.

Varietates plurimæ sunt.

1:0 foliis totis viridibus:

α) Limbo rubro purpureo vel violaceo.

β) Limbo albo.

γ) Flore Luteo.

2:0 Foliis subtus purpureis:

α) foliis supra immaculatis, minor.

β) foliis supra basi purpureis, major.

γ) pedunculis longissimis, erectis.

9. O. LONGIFLORA: *Folia* in apice caulis umbellata, ternata; *Foliola* sessilia, infra medium bifida lobis lanceolatis.

Scapus squamosus, simplex.

Pedunculus ex umbella foliorum unicus, uniflorus.

Bracteæ in medio pedunculi duæ.

10. O. VIOLACEA. *Radix* bulbosa, fibrosa.

Folia radicalia, ternata: *Foliola* obcordata, reflexa.

Petioli bipollicares.

Scapus simplex, erectus, umbelliferus, palmaris.

Umbella circiter triflora.

Corolla violacea vel purpurea.

11. O. CAPRINA. *Radix* bulbosa. *Bulbus* ovato-triangularis, lævis.

Scapus simplex, glaber, palmaris.

Folia obcordata, reflexa; supra canaliculata, viridia; subtus carinata, lâete purpurea.

Petioli canaliculati, glabri, scapis duplo breviores.

Scapi ex umbella foliorum glabri, umbelliferi.

Pedicelli duo, tres vel quatuor, ungviculares, supra parum dilatati, pilosi, uniflori.

Perianthium glabrum, tubo triplo brevius: *Laciniae* lanceolatae, pilosae, apice flavo-callosae, marginibus rubris.

Corolla purpurea, calyce plus duplo longior; *Tubus* ampliatus, semiungvicularis. *Limbus* coeruleus vel incarnatus, patens: *Laciniae* oblongae, obtusae, crenulatae, tubo longiores.

Filamenta capillaria, basi connata, quinque longitudine calycis, quinque duplo fere breviora, simplicia.

Antheræ orbiculatae, complanatae, flavæ.

Styli staminibus duplo longiores, corolla vero duplo breviores, filiformes, pallidi.

Stigmata plumosa, flavescens.

Hæc longe minor est. O. *Cernua*, floribus erectis, purpureo-cæruleis, minoribus.

12. O. CERNUA. *Radix* longa, filiformis, attenuata, fibrillosa, bulbosa.

Folia radicalia, ternata; *Foliola* semibifida, obcordata, glabra, subtus pallida, supra lâete viridia, subciliata, sessilia, basi glandula purpurea: *Lobi* rotundati.

Petioli filiformes, erecti, debiles, glabri, spithamæi. *Scap-*

Bracteæ in medio pedunculi duæ, oppositæ, setaceæ, apice fulvo.

Perianthium hirtum. *Laciniaæ* ovatæ, apice fulvæ, glandulosæ, corolla triplo breviores.

Corollæ tubus flavescens; *Limbus* violaceus.

Differt 1:mo ab O. *Caprina* caule ramoso & lobis foliorum magis divaricatis & acutioribus. 2:o a *Corniculata* foliis bifidis.

Distincta est ramis secundis a ceteris omnibus.

Variat caule subsimplici & ramoso.

117. O. GLABRA. Tota planta glabra. *Radix* bulbosa.

Caulis simplex, filiformis, sulcato-angulatus, erectus, palmaris.

Folia circiter tria, subverticillata, ternata:

Foliola sessilia, obovata, emarginata, canaliculato-convoluta, lineam longa.

Petioles subamplexicaules, basi lati, longitudo foliorum, striati.

Pedunculi ex verticillo foliorum circiter tres, uniflori, digitales.

Bracteæ infra florem duæ, oppositæ, lanceolatæ, acutæ, erectæ, brevissimæ.

Perianthium albidum, corolla quadruplo brevius; *Laciniaæ* lanceolatæ, apice flavo glandulosæ.

Corolla subcampanulata, basi calycis inserta; *Tubus* basi subquinque-dentatus, a basi sensim ampliatus, calyce longior, flavescens.

Limbi laciniæ obovatæ, rotundato-obtusæ, patentि-erectæ, purpureæ.

Filamenta capillaria, alba; quinque longiora, extus dente erecto, calyce paullo breviora; quinque breviora, stylis omnia basi connata.

Antheræ ovatæ, parvæ, flavæ.

Styli brevissimi, reflexo-patentissimi.

Capsula oblonga, obsolete quinquangularis.

Differt ab *O. birta*, quod folia sint petiolata, emarginata & uti tota planta glabra. a *Versicolore* foliis absque callo emarginatis, obovatis nec linearibus.

18. *O. HIRTA*. *Radix* bulbosa, lœvis.

Caulis junior simplex, adultior sœpe ramosus.

Rami indivisi, patentes, multiflori.

Folia ramorum vaginantia, ternata; *foliola* obovata, integerima, convoluta, recurvata.

Flores axillares, pedunculati.

Pedunculi uniflori, foliis paullo longiores.

Bracteæ duæ infra calycem oppositæ, lineares.

Perianthium ad basin fere quinque-partitum; *Lacinia* lanceolatae, acutæ, erectæ.

Corolla campanulata, calyce duplo longior.

Dignoscitur hæc facile foliis sessilibus, integerimis nec emarginatis, & quod tota planta pubescens.

Variat caule simplici & ramoso; brevissimo & longo; flore simplici & pleno cœruleo.

19. O. VERSICOLOR. *Radix* bulbosa; *bulbus* durus, ovatus, glaber, lœvis.

Caulis simplex, teres, glaber, erectiusculus; squamis aliquot alternis, brevissimis, purpureo-scentibus; flexuosus, viridis, digitalis.

Folia in apice caulis verticillata, ternata; *foliola* linearia, canaliculato-convoluta, emarginata, supra glabra, subtus carinata, pilosa, papulosa, margine utrinque & apice punctis purpureis elevatis pellucentibus callosa, lineas duas longa. Interdum sub umbella foliorum unum vel duplex par.

Petioli teretes, villosi, longitudine foliorum.

Bracteæ duæ, oppositæ, calyci approximatae, subulatæ, virides apice rufescente.

Perianthium profunde quinque-partitum, erectum, lineam longum: *Laciniæ* ovatæ, acutæ, virides apice rubro, glabrae.

Corolla calyce sexies longior, campanulata.

Tubus inflatus, flavescens, longitudine calycis.

Limbi laciniæ ovatæ, rotundatae, albæ margine rubro.

Filamenta filiformia, erecta, alba, basi con-nata, quinque calyce duplo longiora, externe dente erecto armata.

Antheræ ovatæ, flavæ.

Germen rubro striatum.

Styli calyce paullo breviores, albi, erecti, pilosi.

Stigmata villoso-albida.

Capsula ovata, sub-quinquangularis.

Variat caule simplici, ramoso & prolifero; floribus purpureis albisque.

Noscitur optime foliolis linearibus, apice callosis.

20. O. CORNICULATA. *Radix* fibrosa.

Caulis herbaceus, angulatus, glaber, basi decumbens, apice erectiusculus, ramosus, spithameus.

Rami pauci, alterni, brevissimi.

Folia ternata: *Foliola* obcordata, glabra, subtus parum pallida, caulina majora, ramea minuta.

Petioles striati, glabri, patuli, bipollicares.

Pedunculi axillares, striati, glabri, erecti, petiolis longiores, umbelliferi.

Umbella simplex, rarius composita, triflora vel quadriflora.

Corolla luteæ.

21. O. STRICTA. *Radix* fibrosa.

Caulis herbaceus, angulatus, simplex, glaber, erectus, palmaris.

Folia ternata; *Foliola* obcordata, glabra, margine tenuissime ciliata.

Pedunculi axillares, erecti, pilosi, umbelliferi, longitudine petiolorum, pollicares.

Umbella simplex.

Corolla flava.

22. O. FRUTESCENS. *Caulis* fruticosus, erectus.

Fo-

Folia ternata; foliola lateralia sessilia; intermedium petiolatum, majus.

Pedunculi umbelliferi.

23. O. BARRELIERI. *Caulis erectus, ramosus.*

Folia ternata.

Pedunculi bifidi, racemiferi.

24. O. FLAVA. *Radix bulbosa, profunde insidens.*

Folia radicalia, multipartita, glabra. Foliola quinque ad novem usque, obovato-lanceolata, convoluta, apice recurva, vix unguicularia.

Petioli teretes, rubicundi, glabri, longitudo fere scapi.

Scapus solitarius vel pauci, teretes, uniflori, digitales.

Perianthii laciniae ovato-lanceolatae, obtusae, glabrae, virides, corolla triplo breviores.

Corolla calyce triplo longior, flava.

Filamenta filiformia, erecta, alba, basi in cylindrum connata, inæqualia; quinque longiora, longitudine calycis, externe squama, alba, erecta, acuta, inferius armata; quinque duplo breviora, simplicia.

Antheræ lunatae, sulcatæ, flavæ.

Germen ovatum, acutum.

Styli filiformes, albi, longitudine filamentorum breviorum.

Capsula ovata.

Diffrerit ab O. tomentosa foliolis longioribus, paucioribus, omnino glabris, viridibus.

25. O. TOMENTOSA. *Radix* bulbosa, profunde infidens. *Bulbus* ovatus, laevis, magnitudine vix avellanæ.

Folia radicalia, peltata, multipartita, hirta pilis albis. *Foliola* ultra duodecim ad viginti usque, obovata, integra, convoluta, semiungvicularia.

Petioli valde hirti, scapis breviores, ungue longiores.

Scapi duo, tres vel plures, indivisi, valde pilosi, uniflori.

Perianthium ad basin quinque-partitum, corolla multoties brevius, albo-hirtum; *Laci-niæ* lanceolatæ.

Corolla calyce sexies longior, alba.

26. O. SENSITIVA. *Radix* fibrosa.

Caulis teres, decumbens, simplex, glaber, pollicaris, palmaris usque pedalis.

Folia in apice caulis verticillata, pinnata, patentia, digitalia. *Foliola* multijuga, sessilia, ovata, glabra, parallelo-nervosa, supra viridia, subtus pallidiora, lineam lata, versus apicem sensim majora, vix ungvicularia.

Pedunculi e verticillo foliorum plures, striati, hirsuti, erecti, folia longitudine superantes, umbelliferi.

Umbella simplex, multiflora.

Pedicelli uti & calyces hirti, ungviculares.

Nocte complicando se versus inferiora folia dormiunt, diebus calidis erecta, ad tactum se

se contrahunt, quasi sentientia uti *mimosa pudica* & *sensitiva*.

§. VI.

SYNONYMA.

1. O. MONOPHYLLA. Lin. mant. p. 241. Tab. Dissert. nostr. I.
2. O. MINUTA. Tab. Diff. II.
3. O. PUNCTATA. Tab. Diff. I.
4. O. NATANS Tab. Diff. I.
5. O. ACETOSELLA. *Trifolium acetosum*. Dodon. pempt. 578.

Trifolium acetosum vulgare. Bauh. Pin. 330.

Oxys flore subcæruleo. Tournef. instit. 88.

Oxys flore purpurascente. Tournef. instit. 88.

Oxalis foliis ternatis, scapo unifloro. Lin. flor. Lap.

194. Hort. Cliff. 175. Materia Medica 216. Roy.

Hort. Lugd. Bat. p. 458.

Oxalis acetosella. Lin. sp. pl. p. 620. syst. nat. t.

2. p. 360.

Japonensisibus Katabami.

8. O. PURPUREA. *Oxalidis* affinis planta bulbosa affricana, flore purpureo magno. Breyn. Centur. 102. p. 46.

Oxys bulbosa africana rotundifolia, caulis & floribus purpureis amplis. Commel. Hort. I. [p. 41. Tab. 21.]

Oxys Africana bulbosa trifolia, flore luteo magno.

Seb. mus. I. p. 37. tab. 22. f. 10.

Oxalis bulbosa trifolia hirsuta, flore albo. Burm. Afr. 67. tab. 27. f. 3.

Oxalis scapo unifloro, foliis ternatis, radice bulbosa.

D

Lin.

- Lin. Hort. Cliff. 175. Spec. Pl. I. p. 433. Royen.
 Lugd. Bat. p. 458. Ehret. pict. tab. 10. f. 2.
- Oxalis* purpurea. Lin. Sp. Pl. 2. p. 621. Syst. nat.
 t. 2. p. 360.
9. O. LONGIFLORA. Lin. Sp. Plant. 2. p. 621. syst.
 nat. t. 2. p. 360.
10. O. VIOLACEA. *Oxys* purpurea, virginiana, radice
 lili more nucleata. Pluk. Alm. p. 274. t. 102. f. 4.
- Oxalis* caule aphyollo, purpureo flore, radice tube-
 rosa rotunda. Gron. Virg. 161.
- Oxalis* violacea. Lin. Spec. Plant. p. 621. system.
 natur. t. 2. p. 360.
11. O. CAPRINA. *Oxalis* bulbosa, pentaphylla & he-
 xaphylla, floribus magnis luteis & copiosis. Burm.
 Afr. 80. tab. 29. & t. 28. f. 3. Miller ic. 195. f. 1.
- Oxalis* pes capræ. Lin. Sp. Pl. p. 622. Syst. natur.
 t. 2. p. 361.
12. O. CERNUA. Tab. Dissert. nostr. II. *Africanis*:
 wilde syring.
13. O. REPENS. Tab. Diff. I.
15. O. INCARNATA. *Oxys* bulbosa æthiopica minor,
 folio cordato, flore exalbido purpurascente. Com-
 mel. Hort. I. p. 43. t. 22.
- Oxalis* caule bulbifero. Lin. Hort. Cliff. 175. Roy.
 Lugd. Bat. 458.
- Oxalis* incarnata. Lin. Sp. Pl. p. 622. syst. nat. t.
 2. p. 360.
16. O. BIFIDA. *Oxalis* biflora. Burm. Prodrom. Afr.
 Tab. Dissert. nostr. I.
17. O. GLABRA. Tab. Dissert. nostr. II..

18. O. HIRTA. *Oxys Africana* hirsuta latioribus foliis, flore magno purpureo. Pluk. Amalth. 164.
Oxys Africana bulbosa, dorycnii monspeliensium parvis foliis, floribus purpureis amplis. Pluk. Amalth. 164. t. 434. f. 7.
Oxys Africana bulbosa, flore purpureo, caule folioso. Raj. Suppl. 599.
Oxys bulbosa Africana, flore purpureo, foliis pilosis, pedunculis parvis. Seb. Mus. I. p. 33. t. 22. f. 11.
Oxalis caule ramoso, foliis linear-lanceolatis sessilibus, floribus lateralibus solitariis. Roy. Lugd. Batav. 532.
Oxalis bulbosa foliis angustis ternis hirtis, flore purpureo. Burm. Afr. 70. t. 28. f. 1.
Oxalis radice longa fibrosa, caulibus ramosis, foliis ternis angustis, florum petiolis longissimis. Burm. Afr. 71. t. 28. f. 2.
Oxalis hirta. Lin. Sp. pl. p. 623.
Oxalis sessifolia. Lin. Mant. 241. Syst. Nat. t. 2. p. 361.
19. O. VERSICOLOR. *Oxys Africana*, foliis tenuissimis, flore ampio versicolore. Pluk. Amalth. 169. t. 434. f. 3.
Oxys bulbosa africana angustifolia, flore rubro obsoleto ampio. Raj. Suppl. 548.
Oxys Africana, foliis tenuissimis in summitate caulis. Raj. suppl. 598.
Oxalis bulbosa trifolia, foliis linearibus obtusis, flore externe rubro, intus albo. Burm. Afr. 65. t. 27. f. 1.

- Oxalis bulbosa* angustifolia, caule fructicoso, flore rubro. Burm. Afr. 66. t. 27. f. 2.
- Oxalis versicolor*. Lin. Sp. pl. p. 622. Syst. Nat. t. 2. p. 360.
20. O. CORNICULATA. *Trifolium corniculatum*. Bauh. pin. 330.
- Trifolium luteum* minus repens, etiam procumbens. Morison. Hist. 2. p. 183. f. 2. t. 17. f. 2.
- Oxys flavo* flore. Clus. Hist. 2. p. 249.
- Oxalis corniculata*. Lin. Sp. pl. 628. syst. Nat. t. 2. p. 361. Hort. Cliff. 175. Roy. Lugd. Bat. 158. Sauvag. Monsp. 173. Gort. Gelric. 91.
- Sasjo vulgo Katabami & simmogusa*. Kämpf. Am. exot. fasc. V. p. 888.
- Japonensisibus*. Sansjo, Sasjo, sicambo & simmogusa.
21. O. STRICTA. *Trifolium acetosum* corniculatum luteum majus rectum indicum seu virgineum. Moris. Hist. 2. p. 184. f. 2. t. 17. f. 3.
- Oxys americana* elatior. Tournef. instit. 80.
- Oxalis Stricta*. Lin. Sp. pl. p. 624. syst. nat. p. 361. Gron. Virg. 161. Brown. Jamaic. 231.
22. O. FRUTESCENS. *Oxys lutea* frutescens, trifolii bituminosi facie. Plum. sp. 2. ic. 213. f. 1.
- Oxalis* caule erecto fruticoso, foliis ternatis, impari maximo. Mill. dict. 7.
- Oxalis frutescens*. Lin. Sp. pl. p. 624. syst. nat. t. 2. p. 361.
23. O. BARRELLERI. *Trifolium acetosum americanum*, rubro flore. Barrel. rar. 64. tab. 1139. Boccon. mus. 2. p. 63. t. 51.

Oxa-

- Oxalis* roseo flore, erectior. Fewill. peruv. 2. p. 173. t. 23.
- Oxalis* Barrelieri. Lin. Sp. pl. p. 624. syst. nat. t. 2. p. 361.
24. O. FLAVA. *Oxys* Africana bulbosa, floribus amplis luteis, foliis minimis hirsutis. Raj. suppl. 549. *Oxalis* bulbosa, angustis digitatis foliis, flore solitario, luteo. Burm. Afr. 6. t. 27. f. 4.
- Oxalis* Africana, bulbosa, foliis simpliciter decaphylis, flore flavo. Burm. Afr. 69. t. 27. f. 5.
- Oxalis* bulbosa, simplici caule ad summum folioso, flore luteo. Burm. Afr. 81. t. 30. f. 1.
- Oxalis* flava. Lin. Sp. pl. p. 621. Syst. Nat. t. 2. p. 360.
25. O. TOMENTOSA. *Oxys* parva africana, flore magno candicante, Lupini foliis argenteo-sericeis. Pluk. Amalth. p. 164. t. 350. p. 3.
26. O. SENSITIVA. *Herba* viva, foliis polypodii. Bauh. Pin. 259.
- Todda* vaddi. Rheed. Hort. Malabar. tom. 9. p. 301. tab. 104. f. 2.
- Herba* viva. Clus. exot. 290.
- Herba* mimosae malabarense. Zanon. Hist. 199. t. 61.
- Oxyoides* Malabarica sensitiva, caule viridi glabro, flore luteo majore. Garcin. Act. Angl. 1730. p. 379. t. 2.
- Oxalis* Sensitiva. Lin. Sp. pl. p. 622. Flor. Zeyl. 180. Syst. Nat. t. 2. p. 360.
- Ceilonenibus*: nidi combe.
- Ternatis*: Igo igo, cage cage.

Javanis: tsjit tsjit.

Maleis: Daun tacol Manusia, daun idop & Curang curang.

§. VII.

L O C U S.

Crescunt quidem aliquot species generis Oxalidis in Europa, ut *acetosella*, *corniculata*; plures tamen in Asia vigent, ut *sensitiva*, *acetosella*, *repens*, & *corniculata*; atque in America, ut *punctata*, *longiflora*, *violacea*, *stricta*, *frutescens*, *barrelieri*;

Plurimæ vero in Africa ad promontorium bonæ spei sedes suas fixerunt, ut *purpurea flava*, *caprina*, *versicolor*, *incarnata*, *hirta*, *monophylla*, *minuta*, *punctata*, *natans*, *lanata*, *compressa*, *cernua*, *sericea*, *bifida*, *glabra*, *tomentosa*.

Paucissimæ & vix ulla species præter sensitivam, intra tropicos crescunt, sed zonam sic dictam temperatam pleræque amant, & paucæ regiones frigidiores, extra circulos tropicos.

Amant quædam *loca montosa*, quædam *sylvas*, plurimæ vero *loca aprica* & *solum argillaceum*, vel *argilla sabuloque mixtum*.

Sic vivunt *Monophylla*, *minuta*, *punctata*, *lanata*, *glabra*, in collibus arenosis infra Taffelberg promontorii bonæ spei; *punctata* etiam in terra del fuego a D. D:re SPARRMAN inventa fuit; *natans* in aquis prope fluvium Breede rivier infra Roode-Sand. *lanata* & *purpurea* omnium vulgatissima, in omnibus

bus collibus & campis fabulosis prope & extra Cap, inter Taffelberg & montium seriem proximam; *compressa* in campis arenosis extra Cap, locis tamen semper aquosis; *Caprina & sericea* in lateribus Leuwestaart, inque fossa inter Montes tabularem & leonis; *Caprina vulgaris & cernua* copiosissima prope Cap, in & extra hortos; *Repens* prope Cap, locis aquosis, & in hortis, in Madagascaria inque Ceilona; *Bifida* juxta Cap urbem & ad latera fossarum montis Diaboli; *Vericoloris* varietates in Collibus & campis infra montes Capenses Drakenstein & alibi vulgares. *Flava* ad pedem Leuwestaart inque collibus infra Duyvelsberg. *Tomentosa* in collibus inter Duyvelsberg & littus maris æthiopici. *Hirta* flore pleno in Paarden eyland capitis bonæ spei. *Acetosella* in Sveciæ & aliorum Europæ regnorum sylvis, inque regni Japonici montis Fakoniæ regionibus.

Longiflora & stricta in Virginia.

Violacea in virginia & Canada.

Corniculata in Italia, Sicilia & Japonia.

Barrelieri in America.

Frutescens in America Meridionali.

Sensitiva in Indiis, ut in Java, Ceilona, Amboina, Malabaria, Canaina, Decan, Sitoe alibique.

§. VIII.

FLORENDI TEMPUS.

Floret *Sensitiva* ardente sub firio, toto fere anno, in primis siccissimo & calidissimo anni tempore, foliolis die explicatis & tactu se contrahentibus, nocte vero dormientibus.

Reliquæ vero Asiaticæ & Europeæ flores suos producunt versus solstitium vel paullo ante.

Ca-

Capenses pleræque florent mensibus *Maji, Junii & Julii*.

Paucæ sunt, quæ prius vel serius florescunt; sic florent *Aprili, Majo*: monophylla, punctata, bifida, purpurea, flava, tomentosa.

Maijo, Junio, Julio: lanata, purpurea, caprina, hirta, versicolor.

Junio, Julio: cernua, sericea, glabra.

Julio, Augusto; repens.

Septembri, Octobri: Natans.

§. IX.

USU S.

Ex omnibus Oxalidis speciebus tres solummodo in usu sunt, nimirum *Acetocella, Cernua, & Sensitiva*.

OXALIS ACETOSELLA, quam solum nostrum natale profert speciem, ab antiquioribus retro temporibus in officinis fuit recepta. Quod ad ejus qualitates attinet, nullo gaudet odore, sapore vero grate dulcescenti-acido, quem, ut alia acida, vim habere aperientem & refrigerantem concludimus, quod etiam experientia testatur. *Herba recentis & sal essentiale* unica sunt simplicia, quæ ex acetosella in nostris Pharmacopoliis obveniunt. Ex herba recenti obtinetur *Succus expressus*, qui defæcatus & lege artis tractatus dat salis essentialis uncias tres vel quatuor ex herbæ recentis libris viginti. *Succus expressus* vel *Conserua Acetocellæ* ex æquali portione succi recentis & facchari albissimi facta, in scorbuto adhiberi potest, in primis si ad Conservam cocleariæ fit juncta. *Sal acetocellæ* easdem habet vires ac Sal Tartari, eorumque usus idem; sic omnium consensu ob vim suam refrigerantem in febribus inflammatoris, biliosis ac putridis, optatis Medicorum optime respondet. Cum vero haecce remedia magni pretii sint, in primis sal essentiale, a Medicis raro præscribuntur.

OXALIS CERNUA sal essentiale æque bonum, major autem copia, quam acetosella producit. In loco itaque natali non semel a Pharmacopœo per expressionem succi & crystallisationem optime præparatum fuit, iisdem atque sal acetosellæ inferviens usibus.

OXALIS SENSITIVA apud gentes varias magis ad superstitionem ac incantamenta, quam ad medicamenta adhibetur. Præterea tamen Ternatenfes decocto totius plantæ contra Phthifin cum astmate utuntur. Sapore gaudet amaricante. Decocto herbæ cum melle, ad pituitam solvendam, in morbis pectoris, utuntur Cingalli, & succus radicis, contra morbus scorpionum, aliquando tam Cingallis, quam Malabarisi, in usu est.


Oxalis ~~acuminata~~ *angustifolia*



Oxalis *punctata*



Oxalis *versicolor**Oxalis* *punctata**Oxalis* *bijuga**Oxalis* *natans**Oxalis* *repens*






Oenothera




Oenothera minima

Tab. II







Scapi lineares, longissimil, petiolis duplo longiores, pedales vel ultra, umbelliferi.

Umbella multiflora, floribus quatuor ad viginti usque.

Flores pedunculati, duo vel tres, florentes erecti, reliqui clausi cernui.

Pedunculi glabri, unguiculares vel pollicares, villosi.

Perianthium ad basin fere quinque-partitum: *Laciniae* lanceolatae, acutae, erectae, extus apice biglandulosae, villosae vel glabræ, virides, corolla quadruplo breviores.

Corolla subcampanulata, calycis basi inserta dentibus. *Tubus* longitudine calycis, basi quinque-dentatus: *dentes* acuti. *Limbi* laciniæ obovatæ, rotundato-obtusa, vesperi & ante florescentiam convolutæ, erecto-patentes.

Color corollæ flavus.

Filamenta capillaria, basi connata in cylindrum; quinque longiora, calycem superantia, latere exteriori dente erecto adnato; 5 breviora, calyci aequalia.

Antheræ ovatae, incumbentes, aurantiacæ.

Styli breves, reflexo-patentissimi.

Stigmata obtusa, villosa.

Capula oblonga, cylindrica, obsolete quinque-angularis.

Obs. Hæc pedunculis longissimis corollisque flavis, ab *Ox. Caprina*, cui similis & proxima, differt.

Folia supra s̄æpe notantur maculis sparsis purpureis.

13. O. SERICEA. *Radix* profunde insidens.

Folia sub-verticillata, petiolata, ternata; *Foliola* obcordata, supra viridia circulo rubro, pilis albis hirta; subtus tomentosa, purpurea vel argentea. Quædam folia subtus magis purpureascentia, quædam magis argentea, quædam purpureo-argentea.

Petiolæ toti hirti, scapis duplo breviores.

Scapi ex umbella foliorum plures, toti hirti, umbelliferi, digito longiores.

Pedicelli tres, quatuor vel quinque, uniflori, cernui, hirti, ungaviculares, intermedii brevioribus.

Bracteæ ad singulum pedicellum binæ, ovatæ, hirtæ.

Perianthii laciniæ lanceolatæ, acutæ, hirtæ, corolla duplo breviores.

Corolla flava.

Filamenta capillaria, alba; quinque longiora, calycis fere longitudine; quinque duplo breviora.

Antheræ orbiculatæ, compressæ, flavæ.

Styli staminibus longiores, filiformes, villosi.

Distincta ab O. *cernua*, foliis tomentosis præcipue subtus; a *Lanata*, floribus umbellatis.

14. O. REPENS. *Radices* fibrosæ, tenues, ramosæ.

Caules radicales, plures, herbacei, sarmen-
tosæ, filiformes, foliosæ, ramosæ, villosæ, purpu-
rascentes.

Ra-

Rami filiformes, foliosi, alterni, cauli similes, prostrati.

Folia ternata: *Foliola* obcordata, sessilia, glabra.

Petioli unguiculares, usque bipollicares, sementeretes, pubescentes, virides, laxi, erecti-uscui.

Flores axillares, pedunculati, parvi.

Pedunculi teretes, geniculati, villosi, uniflori vel biflori, petiolo paullo breviores.

Bracteæ oppositæ in genu, brevissimæ, lanceolatæ, villosæ.

Perianthium ad basin fere quinque-partitum; *laciniæ* lanceolatæ, acutæ, erectæ, pubescentes, corolla breviores, lineam longæ, persistentes.

Corolla flava, campanulata. *Tubus* inflatus, basi quinque-dentatus, pallidus. *Limbi* laciniæ ovatæ, obtusissimæ, integræ.

Filamenta basi connata, filiformia, erecta, alba, quinque longitudine calycis, quinque paullo breviora.

Antheræ parvæ, ovatæ, flavæ.

Styli filiformes, erecti, longitudine staminum longiorum, villosi.

Stigmata simplicia.

Capsula columnaris, acute quinquangularis, acuta, pubescens.

Semina parum compressa.

Pedunculi sunt vel uniflori, vel biflori, vel umbellato-quadriflori.

Similis valde *O. corniculatae*, dum pedunculi uniflori; differt vero eo, quod omnibus partibus minor sit.

15. O. INCARNATA. *Caulis* teres, debilis, erectus, glaber, purpureus, bulbiferus, ramosus, vix pedalis.

Bulbi axillares.

Folia caulina, ternata; *Foliola* obcordata, glabra, intra marginem purpureo-callosa, reflexa.

Petioli capillares, laxi, patuli, glabri, bipollicares.

Flores ex axillis pedunculati.

Pedunculus petioli figura & longitudine, uniflorus.

Bractea in medio pedunculi.

16. O. BIFIDA. Tota planta glabra, excepto calyce.

Caulis raro simplex, saepissime ramosus, filiformis, striatus, laxus, diffusus, pedalis & ultra.

Rami alterni, secundi, striati, erecti.

Folia in apicibus ramorum, umbellata, ternata: *Foliola* semibifida, reflexa, viridia.

Petioli striati, inaequales, pollicares.

Flores ex apicibus ramorum seu umbella foliorum umbellati, pedunculati.

Pedunculi plures, uniflori, pilosi, petiolis duplo longiores.

Brac-

